

www.BibleForChildren.org


Matyu 1




Elisabetthu yon fanet rhu nmbuhat mounmotr kfo nuhasnimortn, dfik yamm tohnihato 6-yuk yamtpno Bro Nkifrar tfit mounmot Gabrierr kfo tkrurafmorr Galiliko yorhwa taun Nasarethu yinyeft. Nd taunt yorhwa wom met tmahtu yufatpno yimor. Nd met tmaht bi Defit frikef yuhat niayuk yima Josefrpno kfo nanf hanymomt. Nd met tmahtu yufat Mariat.



Tfit mounmotrn kfo memort, "Maria,
ni mirahn finji ariduka adukaya. Bro
Nkifrar ninn hifa hti yindhorrwor.
Wanukn, yon fanetn rhuruhann,
yonr hiyaurahn. Nd yonrhu
yufat wayutatwanr Jisasr.
Nd yonr sinya thombat be
tu bro yufet yonr tohrrahr."



"Yimam yuta hakurahmr 'Tu yura myorhekwa Nkifrarhu Yonr.' Turhu nkidom Defitr hatohmo bro yufat kindo tfit nd yonr Bro Nkifrar nd bro yufat hirahr. Nd Jekof frikeft yutiwa Isrerm, rorn tohukatohrahmr. Rorn toh yukatoh hanyrahmr yiha yiham."



Mariat inji wanyaf hanyhato kfo memot, "Na ndhtet ram duhat meta, to finji kanjone yon faneta rhurhoya?" Tfit mounmotr kfo memort, "Bro Nkifrarhu Yafothar mithu nawohruharn, ..."



"... tu myorhekwarhu bbukeftpno
toh hnkokn hmbriruharn, nd yonr
thu hmbrirahrr. Bro Nkifrar
thu hmbri-ruhatrr, to be
ndnatn nd yonr yutarahmr
Bro Nkifrarhu Yonr."



Mariat mounmotr htiyafohato kto
rorhu mongkorn rot bmbri Judako yimot.
Kminysofm muh wohne fnahhato mifnahmot
nd Sekaraia sawohf
rhumo kmitn. Mifnahhato
yimot Sekaraia sawohf
rhumo kunysn. Kunys
fkneni-hato Elisabett
rhu hasettn rim kfo
yindhoraknimott.
Rim kfo
yindhoraknimott,
nd Elisabetthu yatit
rhuyuk yonr



ka nd yindhor
mrokfot rim ...



... pthaknimott, ror riyindhorhato
ridbuhatokmor yiro yatitn. Bro Nkifrarhu
Yafothar yawihnamorn, Elisabettn
mithu nawohmor. Mithu
nhombramotrt, yimat
bro yindhor yima yuhur
yakhato Mariat masat
kfo ptha memott,
"Metroh mkukort be
ni Mariann Bro
Nkifrar yak marnya
bomarnyarahrr. Yo nd
yatit rhuyuk yonr,
ror inji buga yak



marnyarahrr. Rpat
nimehetfn yak marnyarahrrfn."



Jisasrhu niayuk yuhathu kfo nuhas
mrokfot inji korht. Rorhu
mmem Mariat, bi kfo
nanf hanymomt
Josefrpno. Be yuhre nakfo
nanf hanyetfn tfit
htimomt Mariat
yon fanett rhumot.
Nd yon fant Bro
Nkifrarhu Yafothat
kfomott Mariat yon
fanett rhumot.



Mariathu kfo nanf yima Josefr
dborah yimarn, nd Mariat
yon fanet rhumohat ror
nhai marimor, "Rikfo
akforuhant." Nhai.
Rorhu dukeft duka
memor, "Rikfo
akfo yiruhant
yak yimtnaruhant.
Be nann nhowi
fnahhato frtrohruhant."



Josefrhu yima yuhur inji rhu hanyetrn Bro Nkifrarhu
mounmotr twenano niahato kfo memorr, "Josef,
Defitrhu tangishofe, mirahn Mariathu yakneft
wom bok dukefm ayaka. Wawany, nd
Mariathu yon fant Bro Nkifrarhu
Yafothat kfomott yon fanett korht."
"Nd rot hiyauruha yonrhu yufat
wayutatwanr Jisasr."



"Rorn nrfa rafakrahm tuhan yindarirm Bro Nkifrar
finji nanef. Ndnnetn nd Jisas yufat wahmbritwanr."
Be Josefr sinyamohat nd Brorhu mounmotr kfoyuk
mrokfo yuhatn yak hikhato Mariat
fakmiyakmort. To nhai rpat rpa rika
bukh hwe inji narmof. Be inji nndo
tohhany tohhany Mariat hiyaumotr yon
yindarir. Yonr nurnimotr Josefr
yufat futamor
Jisasr.



Nd yihamn bro toh yukatoh Sisa Ogastar wom
mrokfot hta htfasmort. Kfo memor, "Arihat
inji narahnom. Romroh
gafmanrhu yinhit tohyuk
yimam yufam yak
bugarahnomm."



Ndnatn nd wom wom kmim toh hanyuk yimam tfit
turoh kmi mnako yi hanymomn, yufam hta
hanymom yufa htayuk bro
gonborngtn. Josefr
Defit frikef yuhat
niayetrn, ndnatn
Galilikorhof



kmi Nasaret
tohetrn to be
nd kmit htanymortn,
tfit yimor Judiako yorhwa kmi Betlehemtn.



Nd kmi Betlehemt Josefrhu nkifra Defitrhu kmitn,
ndnettn to be turhu nkifra kmi mnako yimor yufa
htat. Mariat Josefrpno
yuhre kfo nanf hanyettn
yon fanett
rhumot.



Yimohat yon fanett rpat yimof.



Yihato bi Betlehem
mfnahetfn, Mariat fak
yironamot.



Yak yirona-hato yon yindarir hiyaumot. Nd nurmo
yonr tor rot hiyaumo barkof yonr. Hiyauwakhato
rmon thaye yak rir borirakhato
bulmakaum yeshrim
yamo mmbtrn
wakmbremotr.



Yiro bro kuny yirukkort yimam rhu furkihettn, to be
fohroh yeshri hwe rhu nuwa yemskamoako nurmor, to
be nd bulmakaum yeshrim yamoa
mmbtrn wakmbremotr.



Nd kmitn sifsifm hatoh yukatohmoa yimam wom
tkittn yifung sifsifm hatoh yukatoh hasetmn,
Brorhu mounmotr mifnahmorm.



Nd mounmotr mifnahhato Brorhu bro nukeft, nd
mounmotr hatohmohat memom nndo bruwohmrn
katiwur. Nd sifsifroh hatoh

yukatohyuk
yimam
nukeftn
yakmottm,

memom,
"Ayakrmayom."



Tfit mounmotr inji htihato kfo memorm, "Inji
ayanhowahko. Na tu hifa dborioh mrokfeft
hniya. Nd mrokfot

bok met
yindarim
wanyshoft,
wany
yindhorrhmt.
Wawanyko,

hrekni nikhom
hbkhyuk yonr
wom mett hiyausr
Defitru kmitn.
Ndr Bro Kraiser."



"Wahti hanyswako rmonthaye rir borirakhato
bulmakauroh yeshri yeyuk mmbtrn htayeter.
Htitawokomre, wamitwako, 'To

tawomr
asor nd
nom wanu
kfo nuhas
mrokfothu
yonr.'" ✦



"Inji yuhre nd rpa mounmotrpno napha hasoyetmn,
asha tfit wom yonmari mounmot rifhur
yura moun yuhat fawihnamom.

Yawihnehato nd wom
mounmotrpno



napha hasomo
tkitt mirifiny
hmbri
yaknamom."



Mirifinyaknehato miptha yindhorakna memom,
"O yura hefenrhu tunga Nkifraye,
nda bbinysofthu yimam ni hti
yindhorwam



wayak
marnyakahtnm,
yima yuhum
noh hmbreahmm."



Nd mounmot rifhur inji naptha tanyhato tfit wayakhato yura hefenko muhmom. Nd sifsifroh tohukatohm htiyafomomm, bi kitwome, ee rom tfit tum rinakfo nakfo memom, "Barenko, Betlehemko aikahnomn, htirahnom nd Bror kfi yonr."



Be inji naphanihato bmbri
Betlehemko yimomn, hambro hanyhato
mhtimomf Josef Maria sawohf yo nd
yonr bulmakauroh yeshri yeyuk tkitt
wahtetrn.



Nd yonr mhtihato mkfo memom, "O, nom nda yonrhu nur nmbuhat Bro Nkifrarhu mounmotm niaromn, kfo meromnom nd yonr bi fnurr. Nom rroh tngt wany sanyhato nienom nda yonrhu htit."



Mariat Jisasr
hiyaumohat Judia
distrikkorhof taun
Betlehemtn
hiyaumotr,

nd yihar Herotr
king tohmor.



Jisasr bi nurniyetrn gunym hti
hik bohikmoa yimam marr yuwa
muhwako toh tanyhato
Jerusalemr mfnahhato
mttiwon hambro
memom,

"Nd nurmo nfri yonr, Judaroh
kingr, fitha inji yorhwar? Nom
marr yuwa muhwako tohrohat nd
rorhu gunyr hti tanyhato nienom,
famunom, 'Htiruhanomrn bangu
miyuknahato kfo yindhorrhahnomr.'"



Be Herotr nd mrokfot
wanyhato gunym hti hik
bohiket yimam nhofijo
kfakmormn ttiwon hik
bohikhato memorm,
"Nikone fitoh yiharn nd
gunyr mfnahmor?"



Rom yihato kfo hik bohik
nuhas marnyamotmr be kfo
memorm, "Betlehemko
waikahkomn frhik
hanykahkomn bi
mhtitawokomr, wania
wakfo nuhaskahtkma na
yihato bangu myuknahato
kfo yindhorrhuanr."



Be rom nd kingr kfoyrk mrokfot wany sanyhato
yimom. Yihato buha yihotohatn nd rom barkof marr
yuwa muhwako htimom gunyr
htiyaknimomr. Be nd gunyr
tohakmotr rom be nd gunyr
fau hik hanyomom. Yi yihato
tu nd yonr
rhumo kunyshu
mingiahuspno mhir
nriotamor.



Be rom kunys rim fnahnimohat rim htimomf Maria
nmehf rpat rhu hasetfn. Nd yonr rim htimomrn bangu
yuknahato kfo yindhormomr. Kfo
yindhornihato nd rom hanymo
gorm yo hta yifetyuk sanda
mkum yo dborioh mtha
yarfonet mrpam
hemomr.



Be tfit yifungnano hweneftpno twenano Bro Nkifrar
kfo memorm, "Mirahko Herotrhu kmifa yuhat tfit
anjonom. Wom yuhat wahta
hhriftwako." Be rom yimohat
manoh yuhat yimomn turoh
kmiko yimom.



Nd marr yuwa muhkorhof
yimam bi yiyetmn tfit Brorhu
mounmotr niamorn Josefr
tweenano kfo ptha hany
memorr, "Yo ni met nmehf
wayaknikahnfn Ijifko
wakrmenyitwako. Niko
Ijift yi toh thombat
nanhu tngtn watoh
garitwa. Na

bi kfiwa ee tfit wanietwako.
Herotr kangr, "Yihato yonr
was hehur thuruhanr."





Be Josefr wasinyamorn yon
tuhan nmehf yaknihato
yifungnano fakrmenimom
Ijifkorn. Josefrom Ijift
tohetmn Herotrhu noh
mrokfot wanyakmomt.
Nd neft rhu hikmot
profetmpno Bror
pthamo yuhatn. Kfo
memor,





"Nanhu yonr Ijift tohetrn
tfit kfafrhotanr Ijift
htanyhato nierahr." Hos 11.1





Herotr garitihato memor,
"Nane ndu yimame yuwi kfo
nheh tanyoma." Be ndnatn
rorhu yima yuhur namburhato
wom yimam kfo tkrurafmotrm
yimom taun Betlehemtn.



Yihato tauntpno rhu
hanyuk kmim yi habrihato
tafi hus gunyjim duhat yon
yindariyenm tadbورها
bugamomm. Herotr nd gunym
hti hiket yimam ttiwon
memohat, ...



... "Nikone fitoh yiharn nd
gunyr mfnahmor," to ror
be yuwi ttiwon rhtimorm.
Memor, "Awany hik
marnyakahann bt nd yihar nur
hanyuk yon yindariyenm
tadborharuhanm."




Herotr nohmotr tfit Brorhu
mounmotr Ijifko yimorn
tweenano Josefr kfo hany
memorr, "Wasinyakahnn yon
tuhan nmehf yaknihato tfit
wanjuko kantri
Isrerkor. Nda yonr
waskfot kfomo yimam
bi nohmom."



To tfit wom mrokfot
wanymor. Arkelausrn
yifem Herotrhu
tkitthu yakhato
Judiaroh king toh
mrokfot,

ndt
wanyhato duka yanho
hanymor ndkor yinyeft.
To nhai, Bro Nkifrar twenano yimorn
kfomotrr Josefr distrik Galilikor yimom.



Yimomn wom
taunt kutewumt
Nasaret, ndha
mtohmom.



Nd neft namohat to
bi profetm pthamo mrokfo
yuhatn inji rhu hikmot. Memom,
"Yutarahmr Nasaret thofenr."



Bro Nkifrar ndar
bbinysof thofm be tu mfro marbit hta
mifmorm. Ndnetrn nd rorhu rpa yon
mifr tuhemorm. Memor, 'Inji
anakahta, fitoh yimam rorn
rroh dukefm htemm, be nhai
nohruhatm. Nhai. Be inji
tahi nrwim kanjo toh
nkifranirahm.'



Rom 3:23 Kmi kmi buganom bi fasoh fasoh nefmn kasimotmnom to be Bro Nkifrar frtrohmornom. Nhai nompno brbo niarmoar.

Rom 6:23 Fasoh fasoh nefmn yimam yak hatohewatmm hel kitwom. Bro Nkifrar yak hatohewi-watrm nmoh Nungothen Jisas Kraiser-pno toh nkifranirahm.

Hibru 9:27 Ndar bbinysoft tohwa yimam nhai tahi nrwim kanjo toh nkifranikahm. Nhai. Nohwom. Nohnitamn Bro Nkifrarhu kotkfot toh garitwom.

Efesus 2:8,9 Ndt nhai tukomn fitoh fitoh yuham yihato Bro Nkifrar htihato yakmiyakrmorko. Nhai. Ndnnettn mirahr wom yimar sinyakahann akfo hagrhaya. Nikmoh yima yuhum Kraiser bro dukefm htahato hikmo yuhatn Bro Nkifrar hti yuhuwafhato fakmorko.



Rom 10:9,10 Ptha nuhashato kfiwunom, "Kfo mirahn,
'Jisasr nanhu Nungotheter,' yo ninhu dukeft duka
mirahn, Jisasr nohmohat Bro Nkifrar kasinya mifmorr,
inji dukarahn, Bro Nkifrar yakruharn rorhu tirmn
htarahrn."

Nmoh yima yuhumio, Bro Nkifrarhu dukefrpar yorhwatm
Bro Nkifrar yak wus bowushato hti wuthewurnom. Yo
tnge kfo kangnom, Jisasr nmoh Nungotheter. Inji
kfiwunom, Bro Nkifrar wanyhato be yekwarnom rorhu
tirtn htewurnom.

Jon 3:16,17 Bro Nkifrar ndar bbinysof thofm be tu
mfro marbit hta mifmorm. Ndnetrn nd rorhu rpa yon
mifr tuhemorm. Memor, 'Inji anakahta, fitoh yimam rorn
rroh dukefm htemm, be nhai nohrhatm. Nhai. Be inji
tahi nrwim kanjo toh nkifranirahm.'



Bro Nkifrar nhai turhu Yonr ndar bbinysofthu met yindariroh nefroh kothu yakitoh hanyeftn kfo tkruraf-rmorr. Nhai. Rroh nrfa hbhakneftn kfo tkrurafmorr.

1 Jon 5:11-13 Yimaroh toh nkifraniyuk yihotar Bro Nkifrar bi fak hta bohtamorr. Turhu yonrn yura bgre mis nohhato nd yimam toh nkifraniyuk yihotat fak marnyakmort. Bro Nkifrar n yihotar inji fak hta nuhasmornom. Yimam nd Bro Nkifrarhu yonrpno frtkafwam, nd yimamn toh nkifraniyuk yafothar kekwomr. Yimam nhai Bro Nkifrarhu yonrpno frtkafkahn, nd yimam nhai toh nkifraniyuk yafothar yakkahn. Niko Bro Nkifrarhu yonr hikwa tuhan yindariko mirahko bok dukefm yakhato kfo amanyom, "Nd toh nki-franiyuk yafothat ka bi hatohwonomt o ka nhai?" Mirahko ndhtet bok dukefm ayaknom. Nd toh nkifraniyuk yafothat bi fakmokomt. Ndar gontwat to ndthu kfo dukayuk gontwatn kahukanko.



Matyu 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Alamblak Bible (amp) © 2003, Wycliffe Bible
Translators, Inc. All rights reserved.

<https://www.bible.com/bible/986/MAT.1>

©2024 Bible for Children, Inc.

www.M1914.org

www.bibleforchildren.org

